

مؤسس: ابن السرى
مصطفى نامق



مدیرى: ابن السرى
احمد جودت

آشيان

ادبى عالمى، سياسى، اجتماعى، فنى، اخلاقى هفته لى مجموعه در

پنجشنبه

برنجى جلد

نومرو ۱۲

برنجى سنه

۹ ذى القعدة ۱۳۲۶

۲۰ تشرين ثانى ۱۳۲۴

مهرسز نسخه لى ساخته در



استانبول

محل اداره سى: جفال اوغلنده دائره مخصوصه
آرتين آصادورىان مطبعه سى

۱۳۲۴



— ما ياد —

رشدیه نك فوقده بر مکتب بولو نمادینی ایچون بر مدرسه یه دوامه مجبوری حس ایدلدی .
 بوراده؛ أمثله، بناء، مقصود، عوامل، اظهار، کافیه، حلبی، ملتقا کی اسان و علوم
 دینییه عائددرسلر تعقیب ایدلدی . و داد بهجت، نهایت صوفیه اولیوردی . پدری،
 آراده صیراده اونکله لطیفه ایدر و یقینده برجیه ، اوزرینه بیاض بر صاریقله
 اونی مینی مینی برخواجه قیافتده عمریه جامعنده کرسی یه چیقاره جفندن بحث ایله
 کولوشورلردی او، مطلقاً یابر عسکر یاخود دوقتور اولاجغنی ایلری یه سوردرک
 بوفکری ردایدردی . نهایت خسته خانه یه دوامه باشلامقله مسلکنی تمامیه تعیین
 ایتش اولدی . اوه کلدیکی زمان جدی بر دوقتور صفتیه اوکون خسته خانه ده
 کوردکارینی . بوخصوصه هیچ برشی دیکله مکه تحمل ایدمه یین . والده سندن
 کیزلی اولارق پدرینه حتی خدمتجیلره وارینجه یه قدر بوتون تفصیلاتیه اکلاتیر
 وبالالزام اوزرندن اکسیک اولمایان آسیدفهنیک قوقورلیله اؤک ایچنده کزیمکدن
 بویوک برلذت دیاردی . نهایت بوراده ده بر بچق سنه قدر عین حیاتی سوروکه .
 دکن صوکر ا والده سنک کیتدکجه زیاده لهن راحتسزلنی اوزرینه سوریه ولایتلرندن
 برینه نقل ایتکی دوشوندیلر . و برمدت صوکر ا شامه تحویل مأموریت ایتدیلر . . .
 و داد ایچون بوراده بوسبوتون باشقه بر حیات باشلامش اولدی . اوزمانه قدر
 براکنده وخصوصی بر صورتده تعقیب ایدیلن تحصیله نهایت ویرلدی . و بکوندن
 اعتباراً مکتب اعدادی یه دوام ایتکه باشلادی .

منتظماً تعقیب اولنان بر تحصیلدن ایدیله جک استفاده بی آرتق تقدیر ایدیور .
 و کیتدیجه زیاده لشن برهوسله بوتون ساعتلرینی درس لرینه حصر ایدیوردی .
 یکانه اکلنجه سی اقام اوزری ایکی ساعت قدر یسیقله ته بینمکه هفته ده ایکی کره .
 کوچوک همشیره سینه موسیقی درسی ویرن بر ایتالیا ندن کان اوکره نمک ایدی .
 اونک بالخاصه صنایع نفیسه یه استمدادی واردی . اوله که بر ایکی
 آی ظرفنده بوتون اسقالاری و حتی برایکی قادریل پارچاسی چالغه باشلامشدی .
 بوندن باشقه ، پدری ؛ آرقداش لرینک برندن اوکا رسم کوسته رمک ایچون وعده
 آلمشدی . جمعه کونلرینی ده بوکنج و مقتدر ضابطک آنه لیه سنده رسم یا مقله کچیرردی .
 و داد بهجت ، بوضو رتله آبی بر تحصیل و تربیه آلمش اولارق یتیشیوردی . بوتون
 برکونلک حیات مساعیسنی منتظم بر پروغرامله ساعتله تقسیم ایتمشدی . یدی
 ساعتی تمامیه کوندوز مکتبه کچوردی . کیجه ییمکدن صو کرا بر ساعت کتایله
 اشتغال ایدر و یا ینجه یه قدرده ایرتمی کون او قویه جنی درس لری حاضر لامقله
 اوغرا شیردی . اسماعیل سری بک ، اونی بویه چالیشیور کوردیجه ده ا زیاده
 تشویق ایچون بر پدرک یاپه بیله جکی بوتون فدا کارلقلری اختیار ایمکدن چکنمز
 و اونی ممکن اولدینی قدر استقبال ایچون حاضر لامق ایسته ردی .

کندیسی پک او قدر عالی بر تحصیل کورمه مش اولقله برابر معارنه صوک
 درجه ده اهمیت ویریر و هیچ اولما زسه و دادی یتشیدیره که بوتون امللرینک
 اونده تجلیسنی آرزو ایدردی . ایشه شم دی اونی بودرجه ده هوسکار کوردیجه
 قلبی ، بر حس افتخارله دولیور و اوکا ده ا مفید ، ده ا الو بریشلی بر محیط
 حاضر لامق ایچون بوتون امکانلری تدارک ایتک ایستوردی . آه اکر قابل
 اولسه ایدی اونی شمدیدن اوروپایه کوندره جکدی . حتی اوکا آیده اوچیوز
 فراق ویره بیلمک ایچون استانبولده بر اوله حرمنک مجوهراتی ترهین ایدرک
 اونی درت بش سینه قدر اداره ایده بیله جک بر مبلغ استقراضی دوشو ندی .
 صو کرده می ایچونده اه کریمدی . فقط بومقصدینک حصولی ایچون کوزونک اوکنده
 اوله قوی مانع لر واردیکه اونی بردنبره مأیوس ایدردی . صو کرا ذهنده اوکاده

بر چاره دوشونەرك متسلى اولوردى. بروتدن برفرانسز واپوريله آشیرمق ...
 بولگاده بر چاره تسويه بولدقدن صكرا ديكبر بر مانعه وارديكه اصل بلنى بوكن بو،
 ايدى . والدهسى ، و دادى بركون يانندن آيرمق ايسته مزدى حقى اونك ؛ -
 زمان كلوب مكاتب عاليه دن برينه كيرمكه مجبور اولديغنى دوشوندو كجه ياسندن
 خسته لانير وكونلرجه ضعيف ويناب دوشردى اونك ايچون اولادندن آيرلىق
 نه قدر آجى بر حقيقت ايسه زوجنى ترك ايتمكه او قدر مشكلدى . بىچاره قادىن،
 بوهر ايكى دوشونجه آراسنده نهيه قرار وىرمك لازمكلىكنى تعيينه كوچلك چكر
 و صوكر ا بركون كلوب چاتاجق اولان بوساعتك اندیشه فراقيله تأثرندن آغلاردى
 اونك بو حالنى بيلان اسماعيل سىرى بك، اك اول بوخسته قادىنى اداره ايتمك يولنى
 آراشديرردى . صوكر ا بونك حالى آتى به ترك ايدەرك :

- هله بر كره اعدادى نى اكال ايتسينده ديردى .

بركون برىسى، اوكا بر فكر وىردى. و دادى شميدىن اوروپا به كوندرمكدنسه بروت
 طبيبلرندن برينه وىرمك دهاموافق ايدى . بوراسنى اكال ايتدكن صوكر ا
 اوروپا به كيدە بيليردى. هم اوزمان و داد كندىسى قورتارمش بركنج اولدينى
 حالده اراده جدى بر تحصيل كورمش وباخصصوص بروتك قريقتى بو اولاديله
 والده آراسندهكى مشكلاتيده بدرجه به قدر بر طرف ايتمش اولوردى . بو فكر،
 بردنبره اسماعيل سىرى بكى تسخير ايتمش و بوكوندن اعتباراً قرار وىرمشدى .
 اكز ياده امريقان طبيه سنى مدح ايدى وىرلردى . شو حالده و دادە بر آز انگليزجه
 اوكرتمك لازمدى . در حال برخواجه تدارك ايدلدى و اعدادى درسلي به اوده
 مستظماً تعقيب اولونمغه باشلادى

و داد بهجت ، اوسنه امتحانلر نى پك پارلاق بر صورتده وىرهرك صنفك
 ايكنجىسى اولدى. ايكى سنه صكراده شهادتنامه آلاچقدى . اونى طائىانلر و اونك
 بو درجه ده چاليدشديغنى كورنلر ، استقبال ايچون اوندىن پك بيوك موفقيت
 يكلرلردى . فقط اواشاده بر تصادف ، بوتون حياتى بر آن ايچنده ضبط ايدن
 بر عشق ؛ اوندە، بوتون بو ثباتلرى مناتلرى كسرايدرك هنوز انكشافه قوت بولاميان

تجلیات دماغیه سنده ، باشقه بر جهانك زنكین وشعر امیز سانخاتیله بوعالمك فوقنده .
 بوسبوتون باشقه بر طرز حیاتك دوشونجه لرینی اویاندرمش .. واونی کیتدکجه
 درین برعجز ومسکنت ایچنده ، هرکون بر پارچه مقاومتی آزالتارق ، نهایت
 برکون تمامیه زیر تحکمه کچیرن بوقوت ؛ هنوز هیچ برحسك آتش خلجانیه
 چارپامش اولان بوصاف وبا کر چوجق قلبنده ، اویله شدید وهیجان آور
 تحسسلرله اجرای تأثیر ایتشدیکه ابتداری کوزلرینی بووین بر بخار نشوؤ
 سودالیه اونی سرخوش ایدن بو حس ، شمدی طاتلی رویالردن اویانلیدیغی زمان
 دیولان آتسه بکزه برانشعال دماغ ایچنده بوتون محاکماتی زیر وزیر
 ایتشدی . . .

وداد بهجت ، آرتق اسکیزی کی درس لرینی ، منتظماً تعقیب ایده میور
 وقابل اختلاس اولان بوتون زمانلرینی عشقك دوشونجه لرینه حصر ایدیوردی
 بعضاً بوتون برکیجه لك اویقوسنی فداییده رك صباحلره قدر اوسپای جاذبك ، یذنی
 یاقان خولیا لر یله مشغول اولمقدن بر حظ روحانی دویار وبوندن برغدا ی معنوی
 آلاق روحك بومشهو فیت سوداسنی تطمین ایتش اولوردی . اونك احوال
 روحیه سنده کوندن کونه درینله شن برضعفه یواش یواش کوزه چارپمغه باشلایان
 برباشقه لقی واردیکه سوزولمش سیاسی واونی دأئامسکون وانزوایه دعوت ایدن
 دورغونلغیه بر خسته یه بکزه تیردی . بوتون والده لرده . اولادلرینك الكخفی
 تأثر لرینه قارشى لاقید قالان مایان بر نفوذ نظرله ، اونك بو حالندن شبهه یه دوشن
 یالکز کریده خاندی . اونی بویله کوندن کونه صولار برچیچك رقتیه نالان
 کوردکجه قلبك برکوشه سنده صانکه برشی ، صیرلایارق اولوردی . وزوجنه
 بوندن بحث ایدرکن کوز یاشلرینی صالیویره ك ایچین ایچین آغلاردی . اسماعیل
 سرى بك ، زوجه سنك بو حالنی خسته لغه عطف ایدر واونی تسلیه ایچون :
 — جانم دوروب دورور کن کندیکی نیچون اوزی یورسك ؟ چوجغك
 هیچ ر شیمی یوق . ماشاه آرسلان کی . . بو کونلرده بر آرز یاده جه چالیشیور .
 بالطبع ضعیفلار . . . — مابعدی وار —